

卷首

序文

凡例

目錄

卷一

方輿志

圖考

沿革

星野

疆域

山川

津梁附

物產

重修臨潁縣志

重修臨潁縣志

客咨予曰縣之有志所以志治臨潁困於匪亂極矣何志爲予曰
天下之生久矣一治一亂無可逃避況當鼎革之際乎然則致治
之道又將奚繇傳曰天生民使司牧之毋使失性民孰不好生惡
死至於棄父母妻子愍不畏死相率爲寇盜是豈民之性哉誰實
使之一至如此連歲率兵治匪每有斬獲未嘗不潛然出涕而急
則治標如醫者之用薑附求病速痊不得不然乃或以龔黃相比
擬又豈予之本心耶古者省耕斂以厚民生制禮樂以正民德百

官踰躋孜孜以教養爲急故民之遂其生而復其性也如魚之遊
於水花之潤於露近世則大不然予能力淺薄竊願乘枚平之後
休養生息使吾民瘡痍漸平元氣全復邇來裁兵興學設工廠卽
其端倪安見勝殘去殺必待百年而縣志之成適當是時非亂極
思治幾之先見也耶客又曰志書之詳可得聞乎予曰自漢承秦
制郡縣天下臨潁之名始建厥後疆域隨世改易志臨潁者前代
無考明則研岡杜氏高蜜張氏俱有所撰述更啓禎之亂其書散
軼皆無傳清代順治庚子邑令李馥先創修分立八門一方輿二

建置三賦役四敘典五官師六人物七雜稽八藝文總括四十一
類綱舉目張詞嚴義正乾隆乙丑劉沆續纂體例一仍其舊無所
變更焉光緒戊申前任陳垣倡議復修旋以去任稿成未付梓陶
前任延豐君仲虎繼輯三年而書仍未成於是民國改元邑紳議
復舉管君從五取豐稿刪其繁複又期月始就緒書成送署核定
適安化陳石藩遊汴予委託校其訛誤逐條標明復於公暇親自
瀏覽竊見其書詞舉體明一字褒貶懍然不苟於守土保民之義
反覆丁寧尤足發人深省凡所剪裁蓋出豐仲虎之上間有闕漏

復邀管君補之計自陳東園提議至今已七載始卽由君載筆今復由君告成君於是役亦煞費苦心哉他年投戈講藝偃武修文成一代太平之書以徵此邦文獻將於是書乎取之予蓋樂觀厥成矣客唯唯而退乃率筆爲之序

中華民國四年六月之吉

特賞六等嘉禾章署臨潁縣知事陳俊撰

重修臨潁縣志序

甚矣哉天下事之難言也於吾潁修志見之矣夫邑之有志者何所以志治也治何在道是也君臣父子兄弟夫婦朋友道之本也禮樂刑政飲食教誨治之具也繼治世者其道同繼亂世者其道異要之道之大原出於天天不變道亦不變所謂殷因於夏禮周因於殷禮所損益百世可知者此也君子學道則愛人小人學道則易使治天下如是治一邑亦如是此志之不可以已也臨潁縣志權輿莫可考舊志謂研岡嚴於斷制高密贍於敘述明末兵燹

後其書皆無傳今之志乃順治庚子李侯馥先所譔定侯當鼎革
後來泣穎撫綏凋殘招集流亡五年於茲百姓復業庶政漸舉乃
慨然有修志之役蓋以爲治而無志譬瞽者之無相俛俛乎其何
之於是延請名儒西華吳中奇邑人宋逢盛等開局纂修創立義
例考徵文獻準今酌古實成斯編分列八門統攝四十一類綱舉
目張有條不紊穎之志具於是穎之治亦具於是前志序之詳矣
後八十餘年乾隆乙丑劉侯沆復集耆儒姚力仁銀作璜輩續修
而鑒定之稿成而公以憂去越二年商侯有煌校訂付梓體例一

仍李侯之舊以其義類精詳弗敢易也自是以來百六十有餘年
前有司格於兵荒屢欲修而不果光緒戊申春陳侯垣來攝篆閱
舊志見其殘缺漫漶不可讀爰集邑紳於署內提議重修顧以時
事多故新政繁興是舉誠善且急在當時未免見爲迂闊而遠於
事情中止者又數閱月仲秋後李君舒華來城侯與商訂復集衆
紳力申前議始於十月開局遵照舊例採輯續錄舊志缺誤間亦
僭爲補正總期考信闕疑實事求是矢公矢慎毋濫毋遺期月而
稿成時當陶公璐接任復聘豐君仲虎來加修正遂將志稿取入

署內自己酉冬歷庚戌辛亥至壬子夏尙缺數卷未成書會陶令卸任仲虎亦去事又中輟已陳公冊襄蒞任適值地方不靖籌防督勦日昃不遑乃當多事之秋不忘致治之要念縣志未成復以屬臣并指示大義於是取豐稿與原稿刪訂參錄復呈閱正付之手民刷印成帙噫是役也前輩名宿既能爲而不及爲當時聰明特達之士又疲於新政而不暇爲以鄙人草茅膚學眇見寡聞二酉莫窺三長素絀於治未識於道無聞貿然載筆適供覆瓿且李君於開局次年物故未及觀成及仲虎來方冀討論修飾庶成完

璧而事又不然世事浮雲須臾變幻未知來者其謂我何昔羊叔
子有言天下事不如意者十常八九可慨也夫然語有之賢者識
大不賢識小尼山春秋實因魯史紫陽綱目亦本通鑑則是編也
後有君子出而修之安見於治道不有裨乎是又予之所厚望也
歲在乙卯端陽月之吉邑後學從五管大同識

重修臨潁縣志

春秋左氏傳首記潁谷封人教孝之事謂之鄭志實開古今志乘

之先例厥後扶風班氏變通龍門史法改書爲志陳氏壽編列三

國傳記以志名史晉唐以降大而郡國小而邑里類皆徵求文獻

蒐采掌故以爲攷古信今之資志之爲義大矣哉臨潁爲中州望

縣川原沃衍物產豐饒自巢許棲隱相濱以後代有聞人

酉桂策

仕來豫心焉慕之乙卯秋奉檄權是邑篆錄士於校勸農於鄉日

與士夫周旋見其人不急功名不競權利重廉恥而敦仁讓蓋太

古醇樸之風至今猶有存者薦紳走相告曰邑志創修于明之中
葉有清盛時數經續纂厥後百餘年來氛祲迭告官斯土者未克
踵武前賢迨光緒戊申令尹陳公垣念及文章道德歷年已久記
載不少缺遺倡議重修去官未果繼任因四方多難軍書旁午昕
夕弗遑册襄陳公下車後以茲事引爲己任周諮博訪裒輯成編
乃剗陋末終又復受代校豕魚而揚翰藻固後來者之責也

西桂

未嘗學問初入仕途何足妄參末議竊念世道淪胥頽流莫挽弁
髦禮教視若尋常自非彰潛德而發幽光不能爲維繫人心之一

助奮志於星野躔次疆域沿革以及山川風物類列綦詳惟此孝
節儒藝各門積世累年交相輝映前過後續無間古今表獨行於
一方播遺芬於永禩濡筆記實所不敢辭梓志旣竣特誌崖略於
右匪止答穎人屬望亦自深驥尾青雲之幸云爾

洪憲元年孟春之吉知臨穎縣事瑯琊楊酉桂撰

臨潁縣志敘言

馥先楚潁璧儒舞象攻鉛塹業弱冠翱翔京邑又兼旬始分符
渚至之日秋容黯澹涉波踐淖以達城闉載道荆榛安識禾黍廢
棟頽檐大抵逃移乃輪蹄交錯郵符接於昏旦高骨款段寥寥汗
喘也官舍聊蔽風雨胥吏旅立階除竟鮮書算之區荒署篝燈雞
狗音聲寂若悠悠彼蒼位置於臙杙之地魂夢靡騁也然生平讀
書懷古究心民社政治蹇躬曷敢告勞每歎喟曰從來披草萊紐
劬荼規前績後豈異人任扶衰救敝約已裕物正今日者事安在

其不可爲也哉會部院賈憲臺纂修豫志之令屢下而汲汲臨潁
之貂續也徵求文獻如翹展響於空山覓父老質邱原土田人物
廢興之實恍丁令威宦表城郭人民已非罕所指侶適兩奉巡方
年光旣宴歲參偪輓輸之期轉漕急京儲之運馥先撫字無能催
科弗敢假貸以充解額遑遑憂薰病肺而饑溺者未聞加困也又
驛遞增騎河夫減役渚口允修驅久踞之陽侯還耕稼之故壤灑
澗飛膏悉由憲俞馥先因得貪天功以慰藉溝瘠嗷嗷哀鴻各曉
然馥先之刻念保障而不繭絲也居安其間徒憶其井一時賢士

大夫嘉與相助爲理遐在隣封咸樂詔以善馥先乃延名宿姚允
祥喬木遷蔡銘張璽康珂呂之獲張恂於膠庠撫拾斷編網羅舊
帙倩強記如博士弟子員姚重華輩咨采四境忠義節孝之行雖
微必錄然後就正有道若河津令王應泰孝廉宋逢盛鄭蕃明經
宋紹統項鼎挈綱分類去僞剔繁西華耆紳吳偶子先生博物洽
聞一時典型也稟承渠誨綜覈互訂歷三月而成一邑之書雖刪
定敬俟睿裁而要之臨潁今昔之際具矣馥先乃今而窺豫志之
涯涘也已昔之志志其盛也今未能志其盛也志其盛者有剩辭

標榜山林附會雲端陌上之租庸家歡戶樂子墨之羽翰士閔人
堯何匪奧區何匪土敦眞令商旅懷思守令長子孫也然成康文
景貞觀之隆周召猶切咨警賈陸劉向魏徵諸詰輔猶災疹必疏
長息防漸也志非其盛者乃有濬慮星野驗其庶徵陵谷留其往
跡廬舍煙銷生聚顛望詩書趣薄風尚宜矜牽牛襁負每聽敲扑
爲鶴唳風聲車殆馬痛嘗畏皇華若震雷疾電大浸蘊崇豈盡水
毀金飢探丸嘯澤孰非飢驅境迫寬猛之和誰濟卓丙魯戴之芳
誰嗣夫固有展卷未終感慨係之何詎使雨露桑麻百室盈堵籍